



INSCRIPTIONUM  
ANTIQUARUM RE-  
PERTARUM

CLASSIS UNDECIMA.

STUDIORUM, ARTIUM,  
OFFICIORUM MINORUM,  
NEGOTIATIONUM.

I.

*Tergeste.*

C. ALFIVS. L. L. ISOCRYSVS. MEDICVS  
L. ALFIVS. ISOCRYSI. FIL. EVDEMVS  
SIBI ET PATRI ET  
ALFIAE. L. L. ATTICAE. VXORI  
SIBI. ET. SVIS.  
BONVS. HOMO ET TV.

*è schedis Langerm.*



Lausula hujus cippi sepulcralis, cætera enim satis clarent, interpretem desiderat; non autem haberi debet pro ludicro marmorarii, quod genus nonnunquam observamus: sed explicanda ex more, quo prætereuntes defunctis benè precari, imprimis Terram Levem solebant; dramaticâ autem fictione defuncti salutantibus respondere. Hinc illi in epigrammatibus antiquis Mortuorum Vivorumque Dialogi. Concipio Viatoris salutationem hanc fuisse, ut defuncto, cujus nomen præscriptum legerat, laudem Bonitatis posthumam tribueret, reddere autem conditum sub saxo vicem, & quidem iisdem verbis, sumtis *ἐλλειπτικῶς*. Sic in *Volsiniense* 10. DCCCXV. cum in lapide interiùs EVNVS FECISSE SIBI SE VIVO profiteatur; in exteriori limbo supra, ET TIBI; infra ET. TV. expressum est; converso nimirum ad fortè inspectantes & quacunqve formulâ benè precantes sermone. In *Veneto* 5. DECLXXIX. postquam depositæ adclamasset vel tamen fingeretur *ὁ δὲ ναυ, ΧΡΗΣΤΗ ΧΑΙΡΕ;* reddit

INSCRI

